



遙縣志卷之四

學校志

先王設立學校所以振興文教養育人材也故其地  
爲至重而其事爲甚詳如學宮如祭儀如樂章如祭  
器如樂器如舞器如學署如學額如學田如書院皆  
爲禮教所重不宜簡略我

朝崇儒重道

聖教覃敷每當春秋上丁登豆告虔蓋其儀文備至典禮  
特隆也而其中樂章之節奏祭器之陳設樂器之備

列舞器之燦陳班班可考矣他若學宮學署學額書院皆學校事也故附志之至於整條規修器皿則尤官師之任也

學宮

文廟本在縣治東南舊制宏闊壯麗極爲善地崇禎九年知縣王凝命忽舉而移之治東太子寺以寺爲廟卽以今廟爲寺寺稱太子者以佛未出家時爲梵王太子蓋西方家語也荒誕鄙俚最爲不經侮聖褻賢不知其意指所在相沿數十年生儒抱恨不能更定

至康熙十四年知縣柏鄉魏喬慤至詢得其由按圖考究慨然興作詳具各憲仍以故寺爲寺而建

聖廟於舊所闔邑稱快先是順治二年國子監祭酒李若林禮科都給事中龔鼎孳上言易王而師可因稱師而遂削其大成文宣之號不可易塑像而木主可因木主而遂殺其侑舞籩豆之數不可

詔孔廟謚號加稱大成至聖文宣先師孔子康熙九年北直學院蔣超奏請天下郡縣自嘉靖年易木主後有

聖賢像尙在者不必撤毀聽其存留奉

旨遵行二十五年

御書萬世師表頒發郡縣懸額廟中二十八年令郡縣各學樂舞八佾添樂舞生六十四人

頒刻禮樂志發行各學二十九年奉

旨文廟前左右豎下馬牌一應文武官員軍民人等在此下

馬三十三年

御製至聖先師孔子贊四配贊頒行天下三十九年知縣蘭州王綬覲宮牆廢墜捐俸修理仍闢雲路建

文昌閣

奎星閣高五丈餘以崇明祀而培風氣四十一年

御製訓飭士子文頒發各郡縣學雍正三年

御書生民未有頒發懸額廟中乾隆三年

御書與天地參頒發懸額廟中三十六年知縣蔡亮茂整新

之後制始大備嘉慶四年

御書聖集大成頒發懸額廟中道光元年

御書聖協時中頒發懸額廟中二十一年知縣靳廷鈺捐廉

重修工未竣陞任去知縣陳崑玉踵其事規畫盡善

自

大成殿 尊經閣並東西學署罔不煥然聿新咸豐元年

御書德齊幃載頒發懸額廟中同治三年

御書神聖天縱頒發懸額廟中光緒七年

御書斯文在茲頒發懸額廟中

大成殿五楹 前爲月臺 東廡九楹 西廡九楹

殿東西兩腋門各三楹

神廚在東廡之南以造祭品 神庫在西廡之南以

藏祭器

大成門五楹 更衣廳在門左 齋宿所在門右  
名宦祠三楹在東 鄉賢祠三楹在西 院中爲泮  
池池上有橋

前爲櫺星門 左右豎下馬牌 東西廣大高明二  
門

前建照壁兩旁俱有圍牆 廟門前有雲路天衢坊  
德配天地道冠古今二坊在櫺星門外左右

明倫堂五楹在正殿後 堂東賢侯祠三楹 堂西  
忠孝祠三楹 時習齋七楹在東 日新齋七楹

在西 左右禮門義路二門

崇聖祠三楹在廟東 節孝祠三楹在崇聖祠前

省牲所七楹在廟西

尊經閣在明倫堂後隆慶四年知縣崔元吉劬建未  
就六年知縣孟一脈完工

敬一亭在尊經閣前嘉靖二十年分守左參政于公  
建

大成殿正位

至聖先師孔子

漢平帝稱褒成宣尼公東漢稱褒尊侯後  
魏稱文宣尼父北齊稱孔宣父後周稱鄒

國公隋稱先師尼父唐高祖稱先師太宗  
稱宣父高宗稱太師又稱隆道公元宗稱  
文宣王宋稱至聖文宣王元成宗稱大成  
文宗武宗稱大成至聖文宣王明稱至聖  
先師 國朝順治二年加稱大成至聖文  
宣王先師十七年改稱至聖先師

### 東西列四配

### 東配

復聖顏子

回字子淵魯人漢永平十五年祀七十二弟  
子顏子位第一魏晉祀孔子均以顏子配唐  
貞觀二年以孔子為先聖顏子配饗

述聖子思子

伋字子思伯魚子宋大觀二年從祀端平  
三年升列哲位咸淳三年配饗

### 西配

宗聖曾子

參字子輿魯南武城人唐開元八年從祀宋咸淳三年配饗

亞聖孟子

軻字子輿鄒人宋元豐七年配饗

以上配位宋以前皆稱封爵元至順元年贈顏子充國復聖公曾子鄒國宗聖公子思子沂國述聖公孟子鄒國亞聖公明嘉靖九年改稱復聖顏子宗聖曾子述聖子思子亞聖孟子

國朝因之

十二哲次之

東哲

先賢閔子

損字子騫魯人唐開元八年從祀

先賢冉子

雍字仲弓魯人唐開元八年從祀

先賢端木子

賜字子貢衛人唐開元八年從祀

先賢仲子

由字子路卞人唐開元八年從祀

先賢卜子

商字子夏衛人唐貞觀二十一年以經師從祀開元八年以十哲從祀

先賢有子

若字子有魯人唐開元八年從祀 國朝乾隆三年升列哲位

西哲

先賢冉子

耕字伯牛魯人唐開元八年從祀

先賢宰子

予字子我魯人唐開元八年從祀

先賢冉子

求字子有魯人唐開元八年從祀

先賢言子

偃字子游吳人唐開元八年從祀

先賢顓孫子

師字子張陳人唐開元八年從祀宋咸  
淳三年升列哲位

先賢朱子

熹字元晦婺源人宋建炎四年生慶元六  
年卒年七十一淳祐元年從祀 國朝康  
熙五十一年升列哲位

某子

以上哲位宋以前皆稱封爵明嘉靖九年改稱先賢

國朝因之有子朱子升列哲位從一例

東廡先賢

先賢公孫僑

字子產鄭人左傳魯襄公八年始見昭公八年卒國朝咸豐七年從祀原西廡現移東廡

先賢林放

字子邱魯人唐開元二十七年從祀明嘉靖九年改祀於鄉國朝雍正二年復祀原西廡現移東廡

先賢原憲

字子思宋商邱人唐開元二十七年從祀

先賢南宮适

字子容魯人唐開元二十七年從祀

先賢商瞿

字子木魯曲阜人唐開元二十七年從祀

先賢漆雕啟

字子開蔡人唐開元二十七年從祀

先賢司馬耕

字子牛宋人唐開元二十七年從祀

先賢梁鱣

字叔魚魯兗州人唐開元二十七年從祀

先賢冉孺

字子魚魯人唐開元二十七年從祀

先賢伯虔

字子析魯人唐開元二十七年從祀

先賢冉季

字子產魯人唐開元二十七年從祀

先賢漆雕徒父

字子有魯人唐開元二十七年從祀

先賢漆雕哆

字子斂魯人唐開元二十七年從祀

先賢公西赤

字子華魯人唐開元二十七年從祀

先賢任不齊

字子選楚人唐開元二十七年從祀

先賢公良孺

字子正陳人唐開元二十七年從祀

先賢公肩定 字子中魯人唐開元二十七年從祀

先賢鄒單 字子家衛聊城人唐開元二十七年從祀

先賢罕父黑 字子素魯人唐開元二十七年從祀

先賢榮旂 字子旗魯人唐開元二十七年從祀

先賢左人郢 字子行魯人唐開元二十七年從祀

先賢鄭國 字子徒魯人唐開元二十七年從祀

先賢原亢 字子籍魯人唐開元二十七年從祀

先賢廉潔 字子庸衛人唐開元二十七年從祀

先賢叔仲會 字子期魯人唐開元二十七年從祀

先賢公西輿如字子，上魯兗州人。唐開元二十七年從祀。

先賢邾巽字子斂，魯人。唐開元二十七年從祀。

先賢陳亢字子禽，陳人。唐開元二十七年從祀。

先賢琴張字子開，一名牢，字子張，衛人。唐開元二十七年從祀。

先賢步叔乘字子車，齊人。唐開元二十七年從祀。

先賢秦非字子之，魯人。唐開元二十七年從祀。

先賢顏矦字子聲，魯人。唐開元二十七年從祀。

先賢顏何字子冉，魯人。唐開元二十七年從祀。明嘉靖九年罷國朝。雍正二年復祀。

先賢縣亶字子象，魯人。國朝雍正二年從祀。